



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვერულეიშვილი ავთანდილ ალექსანდრეს ძე



ვერულეიშვილი ავთანდილ ალექსანდრეს ძე (18. III. 1918, ხაშური, - 23. VIII. 1987, თბილისი), მსახიობი. საქართველო. დამს. არტისტი (1961). სწავლობდა თბილ. კ. მარჯანიშვილის სახ. თეატრთან არსებულ დრამ. სტუდიაში. საქართვე. შოთა რუსთაველის სახ. თეატრ. ინ-ტის სამსახიობო ფაკ-ტის დამთავრების (1941) შემდეგ მსახიობად მუშაობდა კ. მარჯანიშვილის სახ. თეატრში, მის მიერ შესრულებული

როლებიდან აღსანიშნავია: კინტო (ზ. ანტონოვის „მზის დაბნელება საქართველოში“), მელორე (პ. კაკაბაძის „კოლმეურნის ქორწინება“), მოლა მუსა (ვაჟა-ფშაველას „მოკვეთილი“), ტიბალტი (უ. შექსპირის „რომეო და ჯულიეტა“), აიტუბა (მ. მრევლიშვილის „ხარატაანთ კერა“), რაბინი (კ. გუცკოვის „ურიელ აკოსტა“), დერვიში (ნ. ჰიქმეთის „ლეგენდა სიყვარულზე“), სერგო, დარჩო (ა. გენაძის „წმინდანები ჯოჯოხეთში“, „ყარამან ყანთელაძე“), ფიჩხულა (ა. ცაგარლის „რაც გინახავს, ვეღარ ნახავ“), ჩინჩახელი (კ. ბუაჩიძის „ეზოში ავი ძაღლია“), ამილახვარი (ვ. კანდელაკის „მაია წყნეთელი“) და სხვ. მოღვაწეობდა ქართ. ესტრადაზე. შექმნა აგრეთვე მრავალი ეპიზოდური კინემატოგრაფიული სახე. მონაწილეობდა ტელე და რადიოდადგმებში.